



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Nicolavs Tolent. C. 10. Septembris.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

Heu! eheu! ubi! hominum & Cælitum
fidem! ubi sum? imò eheu! ubi fui?
unde, ah! excidi? felix mors, quæ vi-
vere me feceras? infelix nimum vita,
quæ mori iterum me cogis! Iuvat, ò
juvat iterum mori! Narrat deinde à
morte ad beatas delirias abductum se
inter Angelorum & Divorum comita-
tum, jam ambrosiam gustasse, jam
nectar illud libasse; sed quod opera
ejus porrò terris necessaria diceretur,
ad vitam iterum damnatum esse. Et
nimirum ex ergastulo suo ad Pontifi-
catum Albigensem extractus pauperi-
bus patrem, captivis vindicem se liber-
tatis præbuit. Vaticiniis insuper clarus
Regis adibus quandoque nudum gla-
dium imminere conspexit, qui gemi-
nos Regis filios intra viceſimum diem
sustulit. Quod tamen mortuum se cre-
deret, quamdiu vivebat, sui funeris ipse
vates & vespillo tumulo se composuit
& bis victor cælo subiit, viæ utique,
quam nuper iverat, minimè jam igna-
rus. *Ex Greg. Turon.*

S. NICOLAUS TOLENT. C.

10. Septembris.

SEPTENNIS NICOLAUS solenne
ſdeinceps habuit tres in hebdomade
dies, interque eos illum etiam, quem
VIRGINI dicamus, pane cibario
& fontanâ victitare. In Canonicorum
deinde Collegium aſcitus, cum illa pro

concione D. Ioannis audisset (*Nolite diligere mundum, neque ea, quae in mundo sunt*) quasi uni illi dictum esset, exemplo ad eos Anachoretas abiit, qui D. Augustinum amulantur. Ibi facile ostendit, quam mundum mundi que omnia odisset. Sacerdos ubi primum litare cepit, è piacularibus flammis umbra adfuit, abduxit que ad immania tormentorum ergastula. Ibi simul hec, simul sociæ umbræ omnes patronum sibi NICOLA VM legerunt; pro quibus cum ille ad aram aliquoties dixisset, partem longè maximam à suppliciis absolvit. Sub hæc cum eum cognatis unus aliquis à Religionis amore abducere & mundo iterum conciliare pessimè conciliatus adniteretur, surdum scilicet reperit. At faciles aures invenerunt è cælo vates, qui obituum feliciter NICOLA VM Tolentini cecinerunt. Eò enim ocyus abiit, stellâ duce, quæ ibi demum constitit, ubi tumultus postea fuit. Morituro iamjam Christus cum Matre & D. Augustino obvius venit, cum sex ante mortem mensibus quotidie sub noctem Angelorum concentus audisset, manifesto indicio, quam non longè à cælo abisset. *Ex Sur.*